

علم حقوق

مقائیس قوانین مجتهد و عکبری

هرآی نشر اول نور

مؤسس و صاحبی که مایه جنبه مبعوثی : محمد عارف

نومرو: ۱۹

ایکینچی سنه — ایکینچی جلد .

استانبول — صراط مستقیم مطبعه سی

۱۳۲۶

علنی سرخوشلق

بدیع نوری

بر لایحه قانونیه مناسبتیه

بچن سنه هفته لوق شورای امت رساله سنده «امراض اجتماعیه من» سرلوحه سی تحتیده نشر ایستدیکم اوفاق بر قاج حکایه سلسله سی میاننده نهایت «سرخوشلق» مرض اجتماعیه سنک تولید ایستدیک فبالقاری، مملکتک عناصر مهمه فعاله وعامله سی فصل تخریب ایدرک عاطل بر اقدیغی، بو مرضک مملکتده نیجه نیجه ذکا ودها شعله لرینی اطفای ایستدیکنی اوفاق بر حکایه شکنده تصویر ایتک ایستدمدی. استانبول مبعوث محترمی زهراب افندینک قلمه آلدینی علنی سرخوشلقک منعی حقنده کی تکلیف قانونی لایحه سنک [۱] بچن هفته عدلیه انجمنه حواله ایدلمی مناسبتیه قوه تشریعیه مزه، بو مرض اجتماعینک تداویمی اسبابینه توسل ایتش اولمسندن، زهراب افندی یه ده بو مهلاک جریحه اجتماعیه مزی تشخیص وسبب اندفاعی تحری و تکلیف ایتمسندن طولانی تشکر ایتک بر وظیفه متحتمه در.

مبعوث محترمک تکلیف قانونی سنه ترفیق ایستدیک اسباب موجب لایحه سی ایچکینک صحت بشریه، آسایش مملکته وجنایاته، ثروت عمومیه و اقتصادیات جمعیه اولان تأثیراتی بر صورت مختصره و مفیده مصور اولدینی جهتله بو بایده فضله سوز سوله مک، هر لسانده بو وادیده یازمش اولان بیکلرجه جلد اثرلرک، نشر ایدیلن بونجه ایستانسیتیج جدوللرینک اظهار ایستکاری

۱ اشبو لایحه قانونیه زبرده عیناً مندرجدر.

حقایق مؤلفه‌ی تکرار ایتمک دیمک اوله جغندن بویوک بر اثر قلمه آلمغه قیام دیمک اولان بو تفصیلاتدن صرف نظر ایدر ، و یالکیز ایچکنیک بالخاصه هیئت اجتماعی مزده کی تأثیراتنه دایر و ایچکنیک علی العموم هیئت اجتماعیه اولان تأثیراتندن باحث بولنسان اسباب موجب مذکورہ فی متعم اوله رق بر قاج سوز علاوه ایتمک ایسترم .

هیئت اجتماعی عثمانیه‌نک قسم کلیسی تشکیل ایدن اسلاملر ایچون ایچکی دیناً حرامدر ، غیر مسلم و طنداشلر من عندندده اکثر طرفلرده ومثلاً آناتولینک ایجری طرفلرند مشروبات کتولیہ‌نک عمومیتله استعمالی معتاد دکلدر . او جهته افراد عثمانیه‌نک بنیہ‌سی عمومیتله اسپرتو ایله ائتلاف ایتیمشدر . بو سببله بزده بر قاج بطنلک کتولپرست کوستریله من . ایشته بو جهندن یعنی اورویا طرز وعادات اجتماعیه سیله عثمانلیق اعتیاداتی بیننده بو خصوصدن متحصل فرق و تفادوندن ناشی دخی کتول هیئت اجتماعیه منی تشکیل ایدن افرادک بنیه ومناجنده اورویالیاردن بویوک وخصوصی بر تأثیر ایقاع ایتمک اقتضا ایدر . اوروپاده شراب و کتول عمله‌دن اعتباراً بوتون طبقات اجتماعیه‌نک معیشت عادیه‌سندہ بر غمدای اصلی مقامندہ در . بر کتولپرستک آبا واجدادی‌ده آز چوق کتول ایله ائتلاف ایتمش ، وجودندہ آز چوق کتول تمثیل ایتدیرمشدر . بناءً علیه بر کتولپرستک موروثات اجدادیہ‌سی ساقه سیله کتولک وجودندہ ایقاع ایتدیکی حادثات تسممیه یه قارشى مقاومت اقتدارى بر عثمانلیدن زیاده در . و یاخود حادثات تسممیه اجدادینک وجودی کتول ایله اصلاً ائتلاف ایتیمش اولان بر عثمانلیدن دها آز سریع اولور . زیرا حقایق علمیه دندرکه وجود الک‌مهلك برسم ایله بیله ارنأ و یا اعتیاداً ائتلاف ایده ایده نهایت تأثیرینی ازاله و یا تخدید ایدر . ایچکی ائتلاف و اعتیاد ساقه سیله بر محیط مقاوم تشکیل ایدن اورویالیلرک وجودندہ بیله اوقدر مهلك ووخیم نتایج حاصل ایدنجه آرتق بونک تأثیراتنه بوسه بوتون بیکانه اولان عثمانلیلر وجودندہ فصل تأثیرات ایقاع ایدر ؟ دیمک ایسترم که بر قاج بطنلک تسممات

موروثه ايله بر نوع معافيت مرضيه قازانمش اولمق لازم كان اوروپاليلرك
كشول يوزندن اوغرا دقلرى مصائب ميدانده ايكن ، تعبير آخرله بومعافيت
مرضيه بي حائر اولمق اقتضا ايدن وجودلرده بيله تاثيرات مخربه سي بوقدر زياده
ايكن بومعافيته قطعياً مالاك اولميان بيله لرده تاثيرات مخربه ده حاد اولمق اقتضا
ايدر آنك ايچون قوياً حكيم اولنه بيلور كه بزده كشولپرستلرك اولاد وانسالى
اوزرنده ياپيله جق تدقيقات نتيجه سنده نسبت مصائب دها بويوك كوروله جكدرك .
ايسته بوملاحظات كشولك بزده اورويادن دها بويوك تاثير ايقاع ايتديكنى ،
ونسلمزى بر تسمم آتيدن محافظه ايچون دها بويوك بر غيرتله چالاشمى لغمز لازم
كلديكنى اثبات ايدر . آنك ايچون زهراب افندينك تكليف قانونيسى جدا
مهم و فكر مزجه ممكن اولدينى قدر استعمال شدت اتمككلا اصلا خطا اتمه مشدر .

•••

تكليف قانونى عانى سرخوشلقى درجات مختلفه يه تقسيم ايدرك هر بريسى
ايچون مختلف مرتبه ده مجازات وضع ايدور :

۱ — خلقك دخولى مجاز اولان مواقده پك ظاهر صورتده سرخوشلق
علائمى انظار ناسه ارايه ايدنلر — جزاسى يكرمى بش غروشدن بر آلتونه قدر .
كيسه يه تعرض اتمهرك يالكىز سرخوشلق علائمى اظهار ايدنلر ايچون
جزا معينى فضله و بي لزوم ظن اولنور فقط اسباب موجب لايحه سي بونك سببى
ايضاح ايتمش واساساً چيركن اولان بر حالى آخره مشاهده ايتديرمك ، مغاير
عار و حيا بر حر كنده بولمق بر جرم تشكيل اتمك لازم كله جككى سرد ايله مشدر .
بندها ايلرى واره رق سرخوشلق علائمك اظهارى يالكىز مغاير عار و حيا بر فعل
مرتبه سنده قاليوب بلكه حد ذاتنده محل آسائش اولديغى ادعا و بونك ايچون ده
دها بو اقشام واپور اسكله سندن چيقاركن مشاهده ايتسديكم بروقمه يي ذكر
ايده جكم : صوك يدى بحق واپورينك ريختيمه دوكدىكي اهالى آره سنده صالنه
صالنه يورويهن بر يسنك اطوار غير منتظمه سي ياني باشنده كى بر قاچ قاديلى
تخويىف ايدور ، زوالايلر بوكچ و قنده بو سرخوشك بر تعرضه اوغرامامق

ایچون نه یابه جقلربی شاشیر یورلر ایدی مع مافیہ بن دها نیکیین طاورانہرق بورفتار غیر منتظمی واپورده کچیردیکمز شدتلی لدوسک تاثیرینه حمل ایدیور ایدم . بر قاج آدیم صکره قادیله دهده بو فکر حاصل اولمش ، بر آز نسلیت بولمش اولدقلربی حس ایدرکی اولدم . فقط اوصرده شخصی معهود بر آرا به جی یه یا قلا شہرق فنا بر سر خوش آغز یله خطابه باشلا نیجه قادیلر ده آثار خوف و خشیتک صوک درجه یه واصل اولدیغنی کوردم . و بن یله بر حس احتراز ایله متحسس اولدم . ایشته بر حادثه که استراحت عامه یی اخلالدن ماعدا امنیت عمومی یی ده رخنه دار ایتشد . اوراده امنیتک ایکی کشی بر برینی طوقا تاسلر ایدی حاصل اوله جق خوف و خشیت بوندن دها آز اولور ایدی . مضاربہ یی مستوجب مجازات کورور زده بو حرکتی جزا دیده ایتمکده نیچون تردد ایدرز ؟

بو حادثه و علی العموم سر خوشلغک معلوم اولان طرز تلقیسی عین زمانده بزده بر سر خوشی واجب الاحتراز بر شخص ، حرکتی باعث هیجان و خلعجان اولق اوزره تصور ایتدیرر و فی الحقیقه بزده بر سر خوشک سوقا قده کی منظره سی ایله بیچاق و یاره و ولورنی ، تشہیر ایدن بر شخص آره سننده کی طرز تلقی پک فرقی دکلر . ایشته بوده بزده سر خوشلغک عارضی و مستثنا بر حال اولسندن ، هر سر خوش اولانک ایقاع جرمة تصدی مبادیسنده بولندیقی تصور ایدلمکدن ایلری کلور .

۲ — بویله بر سر خوش شمائہ ایله خلقی ازعاج ایدر ایسه جزا تشدید اولور ، بش آلتونه قدر ارتقا ایدر ، تکرر ایدرسه جزا ایکی آلتوندن اون آلتونه قدردر .

کورولدی و شمائہ ذاتاً سر خوشک منظره سندن محترز اولان خلقی برقات دها تدہیش ایدر ، تاثیر جرم دها آجیق و شدتلی بر صورتده محسوسدر . آنک ایچون جزانک تشدید موافقدر .

۳ — سر خوشی اعتیاد ایتک ، که جزا بوراده بش آلتوندن یکرمی بش آلتونه قدر ارتقا ایدیور .

۴ -- سرخوشانی ابتلا درجه سینه ایصال ایتمکدرکه لدی الحاجه طیب معرفتیه تشخیصی ممکن براعتیاد مصر اولان بود درجه سنده جزای نقدی کافی کورولیهرك آلتی آبی تجاوز ایتمهك و مضارفی کندوسنه غايد اولمق اوزره برخسته خانه ده توقیفنه حکم اوانه بیله جك، ومع مافیه بورادن تخلیه ایدیه بیلمك ایچون صلاحی برهیئت طبیه نزدنده تحقیق ده شرط قلند یغندن سرخوش کوسره چکی حسن حال و صلاح ایله آلتی آیلق مدت موقوفتی اختصار ایده بیله جکدر. بوندنماعدا لایحه قانونیه کرک اعتیاد و کرک ابتلا درجه سنده کی سرخوشلرك امور سیاسیه و بلدیله ده حازر اولدقلری حقوق انتخابیهك اوج سینه یه قدر اعطیلنه و ولایت و وصایا تارینك محکمه شرعیه معرفتیه رفعنه و عزل لازینه صلاحیتی ده و یریور .

اخلاق اجتماعیك تصفیه سته خادم اولان قانونك بوماده لرینی آلقیشلاماق قابل دکلدر : انتخابات سیاسیه و بلدیله . وصایت و ولایت، غیرك امورینی تسویه یی درعهده ایتمکدر . بونلری درعهده ایده جك اولان کیمسه ایسه بحق برحس دیگر یرشی ایله متحسس اولمسی، آخرك حقوقی مدافعه ایده بیله جك ماهیت و طبیعتده بولنسی ایجاب ایدر . حیاتنك برقسمنی برقدحك بخش ایده چکی موقت نشئه ایله امانه ایتمك صورتیه کندی حقوقی مدافعه ده . قوای عقلیه سنی حسن استعمالده عجزی نمایان اولان برکیمسه یه حقوق غیری محافظه یی تودیع واقعا موافق اولمامق اقتضا ایدر .

۵ -- نفقه اعطاسنه محکوم اولویده تأدیبه سندن بیان عجز ایدن کیمسهك عیش و عشرت محللرینه مداومتی تحقق ایدرسه بر آلتوندن اون آلتونه قدر و تکررندنه فضله اوله رق یکریمی درت ساعتدن اوج آیه قدر حبس ایدیلور .

اخلاق ایله حقوق آرمه سنده کی خطوط فارقه تدقیق اولنورسه حرکات . اخلاقه اساساً فنا اولمقله برابر آخره طوغریدن طوغری به ایقاع مضرت ایتمین شیلردر . افعال حقوقیه ایسه آخره تجاوز و تأثیر ایدن فعللردر . ایشه بوایز اوزرندن یورویهرك کیده جك اولورسه ق کورورزکه بر دین اجتماعی ایله محکوم

اولوبده دینی اعطادن اظهار عجز ایدن بر کیسه نك آوجنده کیلری تأمین حیاتندن بشقه بر یوله صرف ایتمی، باخصوص سر خوشلق کبی بر صورتله هدر ایتک تشبثنده بولنسی بر سوء استعمالدر . بسوء استعمالی قانون جزاسز بر اقاملیدر . تدقیقات اجتماعیه اخیره نك اظهار ایتدیکی بعض روابط و مناسبات ، بور وابطك ایجاب وتولید ایتدیکی نتایج ووقوعات اعتباریه شمده یه قدر صرف اخلاقی ظن اولنان بعض افعالك دائره حقوقیه یه کیسه . وبالعکس . انتظار ایتلیدر .

۶ — اون سکنز یاشنی اکل ایتیه نلره سر خوش ایده جک ایچکی ویرن ، اکرام ایدنلره موضوع جزا که یکریمی بش غروشدن بر آلتونه قدر ، بوفعل اغفال صورتیه وقوعبولش ایسه اون آلتونه قدر جزای نقدی آلتور . فاعل میخانهچی کی عیش و عشرت محللك صاحبی ویا مستخدمی ایسه بر آلتوندن یکریمی آلتونه قدر جزای نقدیدن بشقه دكانك بر مدت مناسبه ایله قایا تدر یلمسه دخی حکم آلتور .

بوماده جریحه اجتماعیه بی آجان مهم بر مؤثره طوقونیور ، وآنی زجر وازاله یه خادم بولونیور : فی الحقیقه ابتلای عشرت بزده اکثرا ایچکی تشویق واکرام تشبثندن باشلار . هنوز سن تمیزده بولنیا نلره قارشى وقوعبولان بوقیل تشبث ایسه بالطبع بر جرم اولمق اقتضا ایدر .

۷ — بر میخانهچی بر مشتری یه ایچکی ویرمکده دوام ایله کندیسنی اداره یه مقتدر اوله میه حق حاله ایصال ایدر سه یکریمی بش غروشدن بر لیرایه قدر ، تکرر ایدر ایسه ایکی آلتوندن اون آلتونه قدر جزای نقدی آلتوله برابر میخانه نك سدیسه دخی قرار ویریلوو . اگر میخانهچی بویله بر سر خوشك محافظه سینه عائد تدابیری اتخاذ ایتیه نك سوقاغه براقور ایسه یوقاریده کی جزا لردن بشقه یکریمی درت ساعتدن بر آیه قدر حبس آلتور و سر خوش بویوزدن خسته لفه دوچار اولور ایسه میخانهچی تدایسینه عائد مصارفی دخی تضمینه محکوم اولور . بر سر خوش موقفاً محروم عقل و محتاج وصایت بر کیسه در . بویله بر کیسه بی محضا کندیسینه بر منفعت مادیه تأمین ایچون اضراره تشبث بالطبع بر جرم اولمق

لازم کلور. بناءً عليه ميخانه جيلري بونقطه نظر دن تجزيه بحق اولمق اقتضا ايدر. سرخوشلق بهيمه بشريه الله ويرلمش برسلاح تعرضدر. محروم عقل واذعان اولانلري بويله برسلاح تعرض ايله تسليم ايدنلر ولومادي آثار جرم تظاهر ايتسه بيله مسئول اولماليدر.

تکليف قانونيك صوك ماده سي قانونك قوه تأييديه سسندن عبارتدر. في الحقيقه اکثر قانونلر مزك اك بويوك نقصاني قوه تأديدهن محروميتدر. قانون برسرخوشي باشند آشاغي به قدر جزاي تقدي ايله محكوم ايديبور. ايچكي مبتلا سي ايسه مصارف كنديسنه عائد اوله رق برخسته خانه ده توقيف اولنه جفتي سويلدور. فقط قوه تأديه ؟ بوقانوني پاره سي اوليسان سرسريار ايچون تطبيق ممكن اوله بيله جكمي ؟

ايشته صوك ماده بومصارفك وجزاي تقديرك تأديهي ايچون محكومي انشاآت عموميه ونافعه ده ضابطه نك تحت نظارتنده چاليشدير مق حقني ويريور. وبوصورتله عين زمانده برسرسريدن هم صلاح حال ، هم ايشه صارلمق كي ايكي نتيجه مستحسنه استحصالي امكاني بخش ايدبور. ظنمزجه بوماده اولسه جمعيت مياننده كي سرخوشلري ضابطه سجلاتنده مقيد كورمكدن ، حقوق مدنيدن محروم برقاج آلاي سرسري يقشدير مكدن بشقه نتيجه بي انتاج ايتز ايدى .

لايحه قانونيه بوقدر شدتيله برابر مقصد اصلي اولان ايچكينك مضراتك ازاله سنده مانع اوله جقمي ؟ بوكا اعتقاد بويوك برصافدلك اولور.

بركره قانون يالكيزصورت غلبيه ده عشرين منع ايديبور. بالطبع سرخوشك حريم خاصنه تجسوز ايدمبور. وبناءً عليه عائله سينه سنده اوينانان سرخوشلق فجيعه لر ينك تاثيراتي بالطبع ازاله ايله بهيمه ر .

بونك زوالى جمعيتك اخلاقي تصفيه ايتك . ايچكي به سائق اولان اسبابي ازاله ايتك . فناالقريني تشریح وايضاح ايتك ، كي وسائط ايله ممكن اولور كه

بونلری اوروپاده جمعیات خیریه مختلفه یاییور . مملکت مزده قره د کزار کلیسنده بویله بر جمعیت تأسسنی ایشتم ایدی . بوقییل جمعیتلرک تکرریله برابر بوبابده واضح قونقرانس لر اعطاسی هیچ شبهه سزدرکه مرور زمانله حکومتک قانونندن اساسلی تأثیر یاپار .

مع مافیه بولزوم ووجوب هیچ بروقت حکومتک تشبثدن فضله وبی لزوم اولدینی معناسنی افهام ایتمه ملیدر . بزده بوتون تشبثلرده پیشوا حکومتدرو حکومت اولمشدر . هراثبئی حکومتدن بکله یه جک قدر حائر نصاب رشد اولمیان بر ملتده حکومتک بوایشده رهبر لکی فضله اوله ماز ، بالعکس بک نافع ولزوم ملیدر .

